

LÖG FORELDRAFÉLAGSINS

1. grein

Félagið heitir Foreldrafélag Grunnskólans í Borgarnesi.

Félagar teljast allir forráðamenn nemenda Grunnskólans í Borgarnesi.

2. grein

Félagið innheimtir árgjald í september ár hvert fyrir skólaárið en upphæð árgjalds er ákveðin á aðalfundi ár hvert. Innheimt er eitt árgjald á fjölskyldu. Reikningur birtist í heimabanka foreldra/forráðamanna.

3. grein

Markmið félagsins er að:

- vera samstarfsvertvangur foreldra sem eiga börn í skólanum
- efla og tryggja gott samstarf foreldra og starfsfólks skólans
- styðja heimili og skóla við að skapa nemendum góð uppeldis- og menntunarskilyrði
- koma á framfæri sjónarmiðum foreldra varðandi skóla- og uppeldismál
- standa vörð um réttindi barna til mennta og aukins þroska

4. grein

Tilgangi sínum hyggst félagið ná m.a. með því að:

- skipuleggja og halda utan um starf bekkjarfulltrúa í hverjum bekk
- koma á umræðu- og fræðslufundum um uppeldis- og skólamál
- standa að upplýsingamiðlun til foreldra
- veita skólayfirvöldum lið svo að aðstæður til náms og félagslegra starfa verði sem bestar
- styðja og efla hverja þá starfsemi, sem stuðlar að auknum þroska og menningu skólans
- taka þátt í samstarfi við önnur foreldrafélög, svæðisráð og landssamtök foreldra

5. grein

Stjórn félagsins skipa sjö foreldrar/forráðamenn, æskilegt er að þar af sé einn sem einnig er fulltrúi foreldra í skólaráði. Stjórn skal kjörin til tveggja ára í senn, þrír stjórnarmenn annað árið og fjórir hitt árið. Formaður skal kosinn sérstaklega en að öðru leyti skiptir stjórnin með sér verkum. Auk formanns skal stjórnin skipuð varaformanni, ritara, gjaldkera og þremur meðstjórnendum. Aldrei skulu fleiri en fjórir ganga úr stjórn í einu. Æskilegt er að kennrarar eigi einn fulltrúa í stjórn félagsins sem kosinn er til tveggja ára í senn á kennarafundi. Stjórn

skal funda einu sinni í mánuði en oftar ef þurfa þykir. Fundargerðir skulu birtar á heimasíðu Grunnskólans í Borgarnesi.

6. grein

Bekkjarfulltrúar starfa á vegum foreldrafélagsins sem setur þeim starfsreglur. Bekkjarfulltrúar mynda fulltrúaráð foreldrafélagsins. Hlutverk bekkjarfulltrúa er að efla og styrkja samtarf foreldra og barna og leitast við að treysta samband heimilis og skóla innan hverrar bekkjardeildar með nánu samstarfi við umsjónarkennara. Stjórn foreldrafélagsins ber ábyrgð á að í lok skólaárs séu kosnir tveir til þrír fulltrúar forráðamanna úr hverri bekkjardeild sem taka til starfa næsta skólaár.

7. grein

Aðalfundur skal haldinn í maí ár hvert. Stjórnin boðar til fundarins með minnst viku fyrirvara. Aðalfundur er löglegur ef löglega er til hans boðað. Í fundarboði skal kynna efni fundarins. Verkefni aðalfundar:

- Kosning fundarstjóra og fundarritara
- Skýrsla stjórnar
- Skýrslur nefnda
- Lagabreytingar
- Reikningar lagðir fram til samþykktar
- Kosning formanns foreldrafélags og annarra stjórnarmanna
- Önnur mál

8. grein

Stjórn foreldrafélagsins getur skipað nefndir um afmörkuð verkefni. Stjórnin ber ábyrgð á störfum nefnda. Nefnd um skipulagningu Gleðileika skal skipuð annað hvert ár á fulltrúaráðsfundi að hausti en Gleðileikar skulu haldnir í apríl eða maí annað hvert ár hvert í samráði við skólastjórnendur. Gleðileikanefnd skal vinna náið með skólastjóra og starfsfólk skólans. Í henni skulu sitja a.m.k tveir meðlimir stjórnar félagsins ásamt fjórum til sex öðrum foreldrum/forráðamönnum.

Stjórn foreldrafélagsins skal standa að jólaföndri síðasta fimmtudag fyrir aðventu ár hvert og virkja bekkjarfulltrúa í þá vinnu einnig.

9. grein

Fulltrúaráðið skal koma saman eigi sjaldnar en tvívar á skólaárinu og oftar ef þurfa þykir. Fyrsti fundur skal haldinn í upphafi skólaárs. Stjórn félagsins undirbýr og boðar til þessara

funda. Þar skulu rædd mál er varða markmið og starf foreldrafélagsins, starf foreldra í bekkjardeildum og verkefni skólaráðs. Fulltrúaráð skal aðstoða stjórn félagsins í stærri verkefnum þar með talið opnu húsi sem félagið stendur að ár hvert í samvinnu við skólann.

10. grein

Ákvörðun um slit félagsins verður tekin með einföldum meirihluta á félagafundi og renna þá eignir þess til skólans. Taka skal fram í fundarboði að tillaga um slit liggi fyrir fundinum.

11. grein

Lögum þessum má breyta með einföldum meirihluta á aðalfundi, enda sé lagabreytinga getið í fundarboði.

Samþykkt á aðalfundi 2. maí 2017